



Broj: 01/1-02-1426/18
Breza, 04.06.2018. godine

Z A P I S N I K

Sa DEVETNAESTE REDOVNE SJEDNICE Općinskog vijeća održane dana 14.05.2018. godine sa početkom u 16,30 sati u prostorijama Općine Breza-Sala Općinskog vijeća.

Sjednicom je predsjedavao predsjedavajućeg Općinskog vijeća Jusić Vedad.

Po izvršenoj prozivci konstatovano je da sjednici Općinskog vijeća prisustvuje 15 vijećnika.

Opravdano odsutan vijećnik Ahmedspahić Mirza, a vijećnici Suljagić Mirzet i Tabaković Admir su najavili kašnjenje na sjednicu. Odsutni vijećnici Salčinović Fikret, Bajrić Fetah i Bašić Mirnes.

Osim vijećnika sjednici Općinskog vijeća su prisustvovali: Općinski načelnik Munib Zaimović, pomoćnici Općinskog načelnika: Smajila Omerhodžić, Meliha Beširević, Salih Hasanspahić, Herco Huso, općinski pravobranilac Dženana Telalović, predstavnik OSCE-a misije Daut Bajramović, predstavnici JP Komunalno Breza, predstavnik Radio Breze.

Predsjedavajući Općinskog vijeća Jusić Vedad upoznao je vijećnike da su vijećnicima pored dostavljenih materijala naknadno dostavljeno mišljenja Komisije za Statut i propise, te da je održan i Kolegij Općinskog vijeća a Zapisnik je dostavljen zajedno sa materijalima za sjednicu Općinog vijeća.

Zatim se prešlo na razmatranje Zapisnika sa 18. redovne sjednice Općinskog vijeća Breza.

Primjedbu na zapisnik je imao vijećnik Avdić Edin, da je prilikom razmatranja Zaključka po pismu namjere Disco club Magaza d.o.o Breza rekao „da je veliki broj humanitarnih organizacija za građane općine Breza organizovan u Magazi, negdje oko 90% gdje je Magaza dala podršku i finansijsku i materijalnu i tehničku, na zadovoljstvo građana i s velikim uspjehom, te se radi o Magazi, a ne Disco club Magaza d.o.o.“

Primjedbi na Zapisnik više nije bilo, te je nakon glasanja konstatovano da je isti usvojen jednoglasno sa 15 glasova ZA.

Zatim se prešlo na odgovore na vijećnička pitanja.

Komentara na dostavljene odgovore također nije bilo.

Zatim se prešlo na postavljanje novih vijećničkih pitanja.

Vijećnik Sokić Dževahid pokrenuo je inicijativu koja se odnosi na probleme odvijanja saobraćaja u naselju Kahve, koji je zbog frekventnosti i širine puta otežan te stvara probleme prilikom odvijanja saobraćaja kako motornim vozilima tako i pješacima te dolazi do stvaranja prašine i ostalih nečistoća na putu. Istakao je da su građani ovog naselja na zboru predložili da PS Breza sprovede određene mjere kako bi olakšali odvijanje saobraćaja.

Traži od policijske stanice pismeni odgovor koji treba dostaviti do 10.06.2018.

(Vijeću se pridružuje vijećnik Suljagić Mirzet)

Vijećnica Beširević Selma postavila je pitanje vezano za mještane naselja Grabovik koji imaju problem sa divljim svinjama koje im uništavaju dvorišta. Da li postoji način da se ovaj problem riješi?

Vijećnica Jekalović Amina je postavila dva vijećnička pitanja.

Prvo pitanje glasi: Zašto su glavne ulazne kapije na igralištu Partizan zaključane iako je dodijeljena sportskom savezu?

Drugo pitanje glasi: Postoji li mogućnost ravnomjernije raspodjele kontejnera za odlaganje smeća na užem gradskom području.

(Radu Vijeću se priključio vijećnik Salčinović Fikret u 16:20h)

Vijećnik Sirotanović Arif postavio je pitanje JKP „Dokle je stiglo postrojenje i separacija vode u Hodžićima. Da li je ista primljena od stručne komisije za puštanje u rad, ako jeste kada i koja je komisija pustila u rad, ako nije onda koji je razlog nepuštanja. Koji su razlozi i uzroci nastanka problema i koliko je novca utrošeno za vodovod i separaciju. Koliko je Aneksa ugovora bilo“.

Predsjedavajući općinskog vijeća, Jusić Vedad je u ime kluba SDA postavio 2 pitanja i 2 inicijative.

Prvo pitanje glasi: Šta je sa sredstvima koja su prema ugovoru između načelnika i Ministra za obrazovanje u Vladi ZDK prenešena u svrhu finansiranja projekta utopljanja OŠ u Župči? Zašto se ne sprovodi procedura i zašto se ne počinje sa izvođenjem radova obzirom da je prošlo više od pola godine nakon zaključenja ugovora načelnika i Ministra.

Drugo pitanje glasi: U kojoj su fazi razgovori vezani za ulaganja određenih investitora prema pismu namjere koje je podržano protekle godine od strane OV? Da li pored izgradnje cementare postoje i drugi investitori koji bi izvršili višemilionska ulaganja na području naše Općine? Šta je sa investicijom od preko 20 miliona KM na području Općine Breza gosp. Sabljica i njegovih partnera iz Austrije, Hrvatske i Sudijske Arabije?

Pokrenuo je i inicijative koje se odnose na rješavanje problema ulične rasvjete u Kamenicama i Koritniku kao i sanacija udarnih rupa i obezbjeđivanje prostora i uslova za funkcionisanje Centra za mlade. Da se nađe rješenje po pitanju obezbjeđivanja prostora za aktivnosti mladih ljudi i da se ova inicijativa razmatra na sljedećem Kolegiju vijeća i da se pripremi informacija i prijedlog rješenja ove inicijative.

Vijećnica Nejira Bulbulušić-Muratović je postavila 2 vijećnička pitanja.

- Za vrijeme mandata kog načelnika je započeta izgradnja centralnog spomen obilježija o kome se više puta raspravljalo na sjednicama OV-a ko je činio komisiju, ko je bio izvođač radova i zašto u tom mandatu nije završena izgradnja istog?
- Kada, zašto, zbog čega i ko je srušio vatrogasni Dom?

Vijećničkih pitanja više nije bilo te je nakon glasanja konstatovano da je jednoglasno sa 17 glasova ZA usvojen sljedeći:

DNEVNI RED

1. Informacija o aktivnostima općinskog načelnika između dvije sjednice.
2. Razmatranje Informacije o Izvršenju Budžeta Općine Breza za period od 01.01. do 31.03.2018. godine.
3. Razmatranje Nacrta Odluke izmjena i dopuna Regulacionog plana „Potkraj i donošenje zaključka po istom.“.
4. Razmatranje Nacrta Odluke o provođenju Regulacionog plana“ Potkraj i donošenje zaključka po istom.

5. Razmatranje i usvajanje prijedloga Odluke o dimnjačarskoj djelatnosti.
6. Razmatranje i usvajanje prijedloga Odluke o izmjeni i dopuni Odluke o davanju prethodne saglasnosti na dodjelu koncesije za istraživanje i eksploataciju mineralnog resursa-uglja na području Općine Breza.
7. Razmatranje i usvajanje prijedloga Odluke o izmjenama i dopunama Odluke o općinskim administrativnim taksama.
8. Razmatranje i usvajanje prijedloga Odluke o dodjeli Sportsko-rekreacionog centra „ADA“ u Brezi na korištenje i održavanje Disco klub Magaza d.o.o. Breza
9. Razmatranje i usvajanje prijedloga Programa razvoja zaštite i spašavanja ljudi i materijalnih dobara od prirodnih i drugih nesreća općine Breza za period 2018.-2023.god.
10. Razmatranje i usvajanje Pravilnika o uslovima za obavljanju poslova upravitelja i uputstvo o načinu promjene upravitelja.
11. Razmatranje i usvajanje Zaključka o davanju saglasnosti na imenovanje punomoćnika za sjednicu Skupštine javnog preduzeća „Komunalno“ d.o.o. Breza
12. Razmatranje prijedloga lokacije za izgradnju reciklažnog dvorišta i donošenje zaključka po istom.

Ad.1

Informacija o aktivnostima općinskog načelnika između dvije sjednice.

Općinski načelnik upoznao je vijećnike da su u periodu između dvije sjednice vođene sljedeće aktivnosti :

Data je saglasnost na Prostorni plan Općine Breza za period do 2029. godine od strane Skupštine ZDK, te su pokrenute mjere i aktivnosti za realizaciju ovog plana. Završena je sistematizacija radnih mjesta u Jedinostvenom općinskom organu, te je dostavljena Sindikatu organa uprave općine na davanje saglasnosti. Nastavljene su aktivnosti vezane za izgradnju postrojenja preradu otpadnih voda za općine Breza, Ilijaš i Vogošća.

(Radu vijeća se priključio vijećnici Bajrić Fetah i Bašić Mirnes u 16:30h)

Ad 2.

Razmatranje Informacije o Izvršenju Budžeta Općine Breza za period od 01.01. do 31.03.2018. godine.

Predsjedavajući Općinskog vijeća, Jusić Vedad je ispred kluba SDA iznio stav da ovaj klub prihvata na znanje Informaciju o izvršenju Budžeta za 2018.god za prvi kvartal, cijeneći mišljenje i primjedbe iznesene od strane Komisije za Budžet i finansije, te podržava prijedlog ove komisije da je potrebno ozbiljnije i ažurnije pristupiti otklanjanju svih nedostataka u finansijskom poslovanju općine Breza, te se o budžetskom novcu brinuti u skladu sa zakonom i propisanim normama.

Vijećnik Avdić Edin istakao je da umjesto planiranih 25% za izvršenje plana je ostvareno 21,27%. Budžet nije u suficitu nego u deficitu, zato što se ne plaćaju rashodi. Navedeno je da za bruto plate i naknade je realizovano 28,19%, a stvarno stanje je vidljivo na kontu 6111 gdje ta brojka iznosi 31,30%.

Reprezentacija je izvršena sa 32,42% što je u prosjeku 100KM dnevno. Traži pojašnjenje za konto 613975 Izdaci za naknade općinskim vijećnicima. Od planiranih 60.000KM isplaćeno je za prva tri mjeseca 29.940KM što je 49,9% izvršenja plana. Ističe kako

bi se trebala povećati isplata predsjedavajućem Općinskog vijeća s obzirom da radi veoma odgovoran posao.

Vijećnik Ćamil Buljetović dao je komentar na izlaganje vijećnika Avdić Edina, te je istakao da isti prilikom rasprava o Budžetu daje negativno mišljenje sa dosta kritika, a prilikom glasanja daje glas i podržava isti, tj. jedno govori drugo radi.

Vijećnik Avdić Edin istakao je da je dao razloge zašto će glasati za Budžet.

Predsjedavajući Općinskog vijeća Jusić Vedad, postavio je pitanje kako se prilikom finansiranja sportskih udruženja finansiraju i Udruženja koja nisu zavedena u registru Klubova.

Učesnika u raspravi više nije bilo, pa se prešlo na razmatranje naredne tačke dnevnog reda.

(Radu vijeća priključio se vijećnik Tabaković Admir u 16:55h)

Ad.3

Razmatranje Nacrt Odluke izmjena i dopuna Regulacionog plana „Potkraj“ i donošenje zaključka po istom.

Predstavnik IPSA instituta Haris Mujkić istakao je da je Zakonski okvir za izradu Izmjena i dopuna Regulacionog plana industrijske zone "Potkraj" Breza počiva na Odluci o pristupanju izradi Izmjena i dopuna Regulacionog plana, a koja je donesena na osnovu člana 37. stav 7. i člana 42. Zakona o prostornom uređenju i građenju („Službene novine ZE – DO kantona“, broj: 1/14) i člana 19. tačka 5. Statuta Općine Breza („Službeni glasnik Općine Breza“ broj 8/09 – Prečišćeni tekst), na sjednici Općinskog vijeća Breza održanoj dana 30.06.2015.godine.

U nastavku je vijećnike detaljno upoznao sa metodologijom prilikom izrade prijedloga Nacrt Odluke izmjena i dopuna Regulacionog plana „Potkraj“.

Nakon detaljnog upoznavanja sa prijedlogom Regulacionog plana industrijske zone „Potkraj“ Predsjedavajući općinskog vijeća predložio je sljedeći:

ZAKLJUČAK

I

UTVRĐUJE SE Nacrt Izmjena i dopuna regulacionog plana industrijske zone Potkraj.

II

Javnu raspravu po utvrđenom Nacrtu sprovesti u periodu od 30.05.2018. do 18.06.2018.godine.

III

Javnu raspravu sprovest u okviru vijećnika, privrednika, predstavnika mjesnih zajednica i ostalih zainteresovanih subjekata na području Općine Breza.

IV

Za realizaciju zaključka zadužuje se Služba za prostorno uređenje, zaštitu okolice, geodetske i imovinsko-pravne poslove.

Nakon provedenog postupka glasanja konstatovano je da je predloženi Zaključak usvojen jednoglasno sa 19 glasova ZA.

Ad.4

Razmatranje Nacrt Odluke o provođenju Regulacionog plana“ Potkraj i donošenje zaključka po istom.

Bez učesnika u rasprava sa 19 glasova ZA usvojen jsljedeći:

ZAKLJUČAK

I

UTVRĐUJE SE Nacrt Odluke o provođenju izmjena i dopuna regulacionog plana industrijske zone „Potkraj“.

II

Javnu raspravu po utvrđenom Nacrtu sprovesti u periodu od 30.05.2018. do 18.06.2018.godine.

III

Javnu raspravu sprovest u okviru vijećnika, privrednika, predstavnika mjesnih zajednica i ostalih zainteresovanih subjekata na području Općine Breza.

IV

Za realizaciju Zaključka zadužuje se Služba za prostorno uređenje, zaštitu okolice, geodetske i imovinsko-pravne poslove.

Ad.5

Razmatranje i usvajanje prijedloga Odluke o dimnjačarskoj djelatnosti.

Također, bez učesnika u raspravi sa 19 glasova ZA usvojena je i Odluka o dimnjačarskoj djelatnosti.

Ad.6

Razmatranje i usvajanje prijedloga Odluke o izmjeni i dopuni Odluke o davanju prethodne saglasnosti na dodjelu koncesije za istraživanje i eksploataciju mineralnog resursa-uglja na području Općine Breza.

Vijećnik Avdić Edin iznio je konstataciju da se na teritoriji BiH vrši nelegalna eksploatacija mineralnih resursa. Činjenica je da državna komisija u manjem sastavu koja datira duži niz godina nije dala ni jednu koncesijsku dozvolu, a ima budžet oko milion maraka, te smo svjedoci koncesionog kriminala. Općinsko vijeće je na prethodnoj sjednici dalo saglasnost na Odluke o davanju prethodne saglasnosti na dodjelu koncesije za istraživanje i eksploataciju mineralnog resursa-uglja na području Općine Breza u iznosu od 12.760.386.39 m² ili 1.276.038 ha.

U prijedlogu odluke u članu 2. traži se izmjena prethodne Odluke i to da se odobri površina od 2.088.77 ha ili 8.124.020 m², što je razlika od prethodne Odluke 812,40 ha, te se postavlja pitanje kako je došlo do ove razlike i ko je napravio previd , ko je napravio grešku, predlaže da vijeće donese Zaključak o ispitivanju ovog propusta.

Predsjedavajući općinskog vijeća Jusić Vedad u ime kluba SDA istakao je da ovaj klub podržava predloženu odluku. Također traži da se da razumno objašnjenje o učinjenog grešci zbog koje se vrši ova izmjena , ko je odgovoran za grešku. Ko je, kome i kada skrenuo pažnju da je učinjena ova pomalo čudna i rijetka greška. Traže sprovođenje postupka odgovornosti za ovakvu vrstu greške, pa makar ona bila i nenamjerna.

(Radu vijeća se priključio vijećnik Bajrić Fetah)

Na osnovu prijedloga vijećnika Avdić Edina i kluba vijećnika SDA predsjedavajući Općinskog vijeća predložio je sljedeći:

ZAKLJUČAK

I

DA SE sačini Informacija o učinjenoj grešci zbog koje se vrši izmjena i dopuna Odluke koja treba da sadrži:

- Kako je došlo do greške,
- Ko je uočio grešku, i ko je skrenuo pažnju da je učinjena ovakva greška,
- Da li je pokrenut postupak odgovornosti ko je napravio grešku.

II

Za realizaciju Zaključka zadužuje se Služba za privredu.

Nakon provedenog postupka glasanja konstatovano je da je predloženi Zaključak usvojen sa 18 glasova ZA i 2 suzdržana glasa.

Nakon toga je jednoglasno sa 20 glasova ZA usvojena Odluka o izmjeni i dopuni Odluke o davanju prethodne saglasnosti na dodjelu koncesije za istraživanje i eksploataciju mineralnog resursa-uglja na području Općine Breza.

Ad.7

Razmatranje i usvajanje prijedloga Odluke o izmjenama i dopunama Odluke o općinskim administrativnim taksama.

Bez učesnika u raspravi ova Odluka je usvojena jednoglasno sa 20 glasova ZA.

Ad. 8

Razmatranje i usvajanje prijedloga Odluke o dodjeli Sportsko-rekreacionog centra „ADA“ u Brezi na korištenje i održavanje Disco klub Magaza d.o.o. Breza.

Predsjedavajući Općinskog vijeća Vedad Jusić je u ime kluba SDA iznio stav da će ovaj Klub po ovom pitanju ostati suzdržan. Cijene nastojanja da se SRC ADA na vrijeme pripremi i otvori, i namjere pravnog lica Disco klub Magaza, zbog upitnosti procedure, tj. preskakanja javnog poziva odnosno konkursa ne žele preuzeti odgovornost po ovom pitanju.

Vijećnica Jekalović Amina je također istakla da će se SDP i DF suzdržati od glasanja.

Vijećnik Sokić Dževahid istakao je da će glasati za usvajanje prijedloga Odluke o dodjeli Sportsko-rekreacionog centra „ADA“ u Brezi na korištenje i održavanje Disco klub Magaza d.o.o. Breza imajući u vidu mišljenje Komisije za Statut i propise.

Nakon provedenog postupka glasanja, prijedlog Odluke o dodjeli Sportsko-rekreacionog centra „ADA“ u Brezi na korištenje i održavanje Disco klub Magaza d.o.o. Breza je usvojen sa 14 glasova ZA, 6 suzdržanih i bez glasova protiv.

Potom je uslijedila pauza od 17:25h do 17:40h

Ad. 9

Razmatranje i usvajanje prijedloga Programa razvoja zaštite i spašavanja ljudi i materijalnih dobara od prirodnih i drugih nesreća općine Breza za period 2018.-2023.god.

Bez učesnika u raspravi ovaj prijedlog Programa je usvojen jednoglasno sa 20 glasova ZA.

Ad. 10

Razmatranje i usvajanje Pravilnika o uslovima za obavljanje poslova upravitelja i uputstvo o načinu promjene upravitelja.

Bez učesnika u raspravi ovaj Pravilnik je usvojen jednoglasno sa 20 glasova ZA.

Ad.11

Razmatranje i usvajanje Zaključka o davanju saglasnosti na imenovanje punomoćnika za sjednicu Skupštine javnog preduzeća „Komunalno“ d.o.o. Breza.

Pomoćnik načelnika, Salih Hasanspahić pojasnio je da je dana 08.05.2018. godine Služba za privredu zaprimila Poziv za održavanje 34. redovne sjednice Skupštine JP „Komunalno“ d.o.o. Breza, u kojem je u skladu sa Zakonom u potpisu naveden predsjednik Nadzornog odbora.

Članom 9. Odluke o usklađivanju statusa Javnog preduzeća „Komunalno“ d.o.o. Breza sa Zakonom o javnim preduzećima u Federaciji Bosne i Hercegovine i Zakonom o privrednim društvima („Službeni glasnik Općine Breza, broj: 11/17) između ostalog je propisano da funkciju Skupštine javnog preduzeća putem punomoćnika vrši Osnivač. Osnivač – Općinsko vijeće imenuje punomoćnika na prijedlog Općinskog načelnika, pri čemu za odlučivanje na Skupštini Punomoćnik dobiva Uputu o glasanju.

U skladu sa naprijed navedenim, predlaže se Općinskom vijeću da usvoji Zaključak u predloženom obliku kojim se on imenuje za Punomoćnika za 34. redovnu sjednicu Skupštine JP „Komunalno“ d.o.o. Breza.

Osnivač mora dati svoj stav o dnevnom redu Skupštine preduzeća.

Stav Skupštine je konačan i Općinsko vijeće mora dati smjernice punomoćniku kako da nastupi na Skupštini.

Predsjedavajući općinskog vijeća, Jusić Vedad je u ime kluba SDA istakao da se kao politička stranka itekako interesuju i trude ovom preduzeću pomoći kako bi se nagomilani problemi što prije riješili. Razumijevajući kompleksnu situaciju u kojoj se nalazi preduzeće, te da je u proteklom periodu ipak ostvaren minimum poboljšanja u odnosu na prošle godine, klub SDA će podržati ove izvještaje i glasati za.

Izvještaj o radu JKP Breza za 2017.godinu je usvojen sa 17 glasova ZA i 3 SUZDRŽANA glasa, bez glasova protiv.

Izvještaj o izvršenju revizije finansijskog izvještaja JKP Breza za 2017.godinu je usvojen sa 17 glasova ZA, 3 SUZDRŽANA i bez glasova protiv.

Izvještaj o radu nadzornog Odbora JKP Breza za 2017.godinu je usvojen sa 17 glasova ZA, 3 SUZDRŽANA i bez glasova protiv.

Nakon provedenog postupka glasanja, sa 17 glasova ZA, 3 suzdržana i bez glasova protiv, usvojen je :

ZAKLJUČAK**I**

DAJE SE SAGLASNOST Hasanspahić Salihu, da u ime Osnivača a na prijedlog Općinskog načelnika predsjedava na 34. redovnoj sjednici Skupštine JP „Komunalno“ d.o.o. Breza.

II

Dnevni red 34. redovne sjednice Skupštine JP „Komunalno“ d.o.o. Breza je:

1. Razmatranje i usvajanje Izvještaja o poslovanju JP „Komunalno“ d.o.o. Breza za 2017. godinu, (izvjestilac Uprava Preduzeća),

2. Razmatranje i usvajanje Izvještaja o izvršenoj reviziji finansijskih izvještaja za JP „Komunalno“ d.o.o. Breza za poslovnu 2017. godinu, (izvjestilac Uprava Preduzeća),
3. Razmatranje i usvajanje Izvještaja o radu Nadzornog odbora JP „Komunalno“ d.o.o. Breza za 2017. godinu (izvjestilac Nadzorni odbor preduzeća).

III

Prilikom glasanja po predloženim tačkama Dnevnog reda, ovlašteni punomoćnik će glasati:

1. Razmatranje i usvajanje Izvještaja o poslovanju JP „Komunalno“ d.o.o. Breza za 2017. godinu, ovlašteni punomoćnik će glasati ZA.
2. Razmatranje i usvajanje Izvještaja o izvršenoj reviziji finansijskih izvještaja za JP „Komunalno“ d.o.o. Breza za poslovnu 2017. godinu, ovlašteni punomoćnik će glasati ZA.
3. Razmatranje Izvještaja o radu Nadzornog odbora JP „Komunalno“ d.o.o. Breza za 2017. godinu, ovlašteni punomoćnik će glasati ZA.

IV

Zaključak objaviti u „Službenom glasniku Općine Breza“.

Ad.12

Razmatranje prijedloga lokacije za izgradnju reciklažnog dvorišta i donošenje Zaključka po istom.

Predsjedavajući Općinskog vijeća Vedad Jusić je u ime Kluba SDA istakao da se izričito protive određivanju bilo koje lokacije za potrebe reciklažnog dvorišta sve dok se ne ispune uslovi i zadovolje zakonski uvjeti. Kada budu imali ozbiljnu prezentaciju kojom će se uvjeriti da ovakav projekat ispunjava sve navedene uslove, da su ispoštovane sve zakonske odredbe te da su obezbijeđena finansijska sredstva za isti onda će se i očitovati oko samih lokacija.

Vijećnik Avdić Edin se slaže sa stavom koji je u ime kluba SDA iznio predsjedavajući Općinskog vijeća. Smatra da je prijedlog nepotpun, površan i bez obrazloženja. Općinski vijećnici moraju biti dobro informisani šta znači reciklažno dvorište, to je investicija. Treba znati kakav je sastav tog dvorišta, kakav će se otpad odlagati i još dosta detalja. U zadnje vrijeme se sve više javljaju mobilna reciklažna dvorišta koja su mnogo kvalitetnija i jeftinija. Predlaže da se sastane radna grupa koja postoji u Planu upravljanja otpadom i da odgovore na pitanja koja su postavljena.

Vijećnik Buljetović Ćamil ističe da je ovo jako teško pitanje i da je ovakav pristup neozbiljan. U čitavom ovom procesu nije najvažnija odluka Općinskog vijeća već stav stanovnika MZ Izbod, Koritnik, Kamenice i Potkraj. Trebalo bi održati zborove građana u MZ i da oni daju saglasnost. Smatra da bi trebalo prvo uzeti jedno reciklažno dvorište i vidjeti o čemu se radi, tek onda voditi raspravu. Samo pod ovim uvjetom će SDP i DF glasati za. Treba se raditi i na polju edukacije, i ozbiljno shvatiti ovaj problem.

Vijećnik Sokić Dževahid istakao je da je zadužen da glasa protiv jer su građani MZ Izbod, Kamenice, Potkraj razmatrali ovaj problem prije nekoliko dana. Podržava stav da se vrši edukacija stanovništva i da se sačini studija opravdanosti.

Direktor JKP Breza, Enver Hadžiahmetović upoznao je vijećnike da je stanje u komunalnom preduzeću veoma komplikovano i teško. Ovakvom stanju u mnogome doprinosi što Općinsko vijeće nije odredilo lokaciju za reciklažno dvorište, kako bi se pristupilo recikliranju komunalnog otpada, čime bi došlo da smanjenja količine otpada koji bi se odvezio na regionalnu deponiju. Ovakvo stanje svakog dana komunalno preduzeće dovodi do stvaranja dodatnih troškova. Moli Općinsko vijeće da ozbiljno pristupi rješavanju ovog problema kako bi se pristupilo rješavanju komunalnog otpada na propisani način.

Usljedila je pauza radi formiranja Zaključka od 18:25h do 18:40h

Nakon provedenog glasanja, jednoglasno sa 20 glasova ZA je usvojen

ZAKLJUČAK

I

DA SE formira radna grupa koju će predložiti Kolegij općinskog vijeća, i koju će imenovati općinsko vijeće.

II

Zadatak radne grupe da provede sve aktivnosti koje su predložene na raspravi u okviru tačke dnevnog reda:

- Da se uradi studija izvodivosti i isplativosti
- Da se ispoštuju sve ekološke, prostorne i okolinske dozvole u skladu sa zakonskim propisima
- Da se izvrši edukacija, promocija informacija stanovništva o istom u svih osam mjesta koja su predviđena prostornim planom kao lokacije za reciklažno dvorište
- Jedan član radne grupe obavezno mora predstavljati interese građana pripadajućih lokacija

III

Za realizaciju tačke I zadužuje se predsjedavajući Općinskog vijeća.

IV

Zaključak objaviti u „Službenom glasniku Općine Breza“

Ovim je iscrpljen dnevni red devetnaeste redovne sjednice Općinskog vijeća Breza, koja je sa radom završila u 18.40 sati.

Sastavni dio ovog zapisnika čini i tonski zapis sjednice.

ZAPISNIK SAČINILA
Zakira Smailbegović, s.r.

PREDSJEDAVALA
Općinskog vijeća
Jusić Vedad, s.r.